



## COLEGIO ARUBANO

R.K SCHOOL VOOR CICLO BASICO,  
CICLO AVANSA, V.W.O EN H.A.V.O.  
VONDELLAAN 14  
TEL. 5822005 / 5822684 / 5831373 / 5828930  
FAX: 5832676, ARUBA  
E-mail: [info@colegioarubano.aw](mailto:info@colegioarubano.aw)

Na alumnonan di Colegio Arubano y  
Nan mayor(nan)/cuidado(nan)

Oranjestad, 14 di september 2023

**COLAUA: 2023/2024–025**

Asunto: Rooster CP1 y SE1

Apreciabel mayor(nan)/cuidador(nan), alumnonan,

E prome periodo ta casi tras di lomba. Esey ta nifica cu pronto e CP'nan y e SE'nan lo cuminsa. E periodo di CP/SE lo tuma luga di **diahuebs, 21 te cu diahuebs, 28 di september 2023.**

Adhunto e rooster di CP/SE. Tambe lo publica e rooster aki riba nos website <http://colegioarubano.aw>. Pa e contenido di cada materia di CP consulta e PLTnan cu tambe ta obtenibel riba nos website via [bit.ly/PLTs23-24](http://bit.ly/PLTs23-24). E material di SE ta den e buki di SE, cual e alumnonan a ricibi via mail y naturalmente tambe ta riba nos website.

### **Puntonan di atencion durante CP/SE**

- E intencion ta cu despues di CP tur alumno ta inicia nan studiamiento pa e siguiente dia di CP/SE.
- Durante e periodo di CP/SE, tur regla di scol ta keda valido. Principalmente e reglanan relaciona cu uniform.
- Si e alumno ta ausente durante e periodo di CP/SE mester haci lo siguiente:
  - E mayornan ta raporta nan yiu malo prome cu 8:00 am, door di yama scol of door di yena e formulario riba e website: [bit.ly/ziekmal](http://bit.ly/ziekmal)
  - E alumno ta raporta fisicamente na Medwork prome cu 10:00am.
  - Unabes bek na scol, e alumno ta entrega e carta di Medwork na secretariado di scol.
  - Si no tin motibo valido pa ausencia, e alumno ta haya e cifra 1 pa e CP/SE cu e no a traha.

### **Dianan di inhaal di CP y SE**

Esnan cu pa motibo valido no a traha CP of SE durante e siman di CP/SE, por traha e inhaal CP despues di a entrega e carta di Medwork. E dianan di inhaal CP ta para riba e rooster. E fechanan di inhaal di SE ta para den e buki di SE. E inhaal CP/SE ta tuma luga despues di scol. Pa participa na e inhaal CP/SE, e alumno mester ta na scol den dia y a sigui tur su lesnan segun rooster riba e dia di inhaal.

### **Procedura di Medwork**

1. E alumnonan cu pa motibo di enfermedad ta haya nan stroba di participa na un CP, mester raporta físicamente e mesun dia, entre 8.00 y 10.00am na Medwork.
2. Bistimento di tapaboca ta opcional, solamente si e alumno no tin sintoma di griep.
3. E costo di e consulta na Medwork ta Afls. 35.00 y tin cu ta paga door di e alumno of un mayor. Tin un mashin di ATM na tur dos locacion, pero por paga cash tambe.
4. Na e cita, e estudiante mester bin cu un ID valido of e carnet di scol.
5. Medwork Caribbean N.V. no lo sumistra niun informacion tocante e alumnonan na tercer persona.
6. Despues di control, e alumno lo haya un declaracion firma di e dokter di Medwork Caribbean N.V, cu a control'e, den unda ta indica si:
  - e alumno pa motibo di e enfermedad por participa na CP/SE of no;
  - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101)

### **Remediëring di scheikunde**

Desde awe nos ta ofrece remediëring pa e materia di scheikunde. Riba dialuna, e alumnonan di examenklas ta bonbini entre 14.15 y 15.15. E otro alumnonan por haci uzo di e oportunidad aki riba diahuebs, entre 14.15 y 15.15. Docente Kock lo contesta tur pregunta y duna ayudo necesario den PR4.

### **Vakantie di oktober**

Una bes cu e periodo di CP/SE finalisa ta inicia e vakantie di oktober. Esaki ta cuminsa diabierna 29 di september y ta dura te cu diabierna 6 di oktober. Durante e vakantie di oktober administracion di scol lo ta cera. Boekenfonds y e oficina na Byronstraat lo ta habri durante vakantie.

Den number di tur docente y miembronan di rectorado, mi ta desea tur alumno hopi exito den e periodo venidero.

Cu un saludo cordial,



T.R. Croes M Ed  
Rector